

ა(ა)იპ

საქართველოს ტექნიკური უნივერსიტეტი
ბრძანება

29.02.2012 № 22

თბილისი


2012 წელს სამთო-გეოლოგიური
ფაკულტეტის ტყიბულის სამთო-
ტექნოლოგიური ინსტიტუტის
სასწავლო განრიგის შესახებ

„პროფესიული საგანმანათლებლო პროგრამების კრედიტებით გაანგარიშების წესის დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბრის №121/ნ ბრძანების და საქართველოს ტექნიკურ უნივერსიტეტში სასწავლო პროცესის მართვის ინსტრუქციის საფუძველზე III საფეხურის 30 კრედიტიან პროფესიულ საგანმანათლებლო პროგრამებზე 2012 წლის 29 თებერვლის №262/05 ბრძანებით ჩარიცხული პროფესიული სტუდენტებისათვის (შემდგომში-სტუდენტი) სასწავლო პროცესის ორგანიზებულად ჩატარების მიზნით


ვ ბ რ ძ ა ნ ე ბ ა :


1. საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიურ ინსტიტუტში (შემდგომში – ინსტიტუტი) III საფეხურის 30 კრედიტიან პროფესიულ საგანმანათლებლო პროგრამებზე 2012 წლის 29 თებერვლის №262/05 ბრძანებით ჩარიცხული პროფესიული სტუდენტებისათვის (შემდგომში-სტუდენტი) სასწავლო პროცესი დაიწყოს 2012 წლის 1 მარტს (იხ. დანართი 1);
2. სააუდიტორიო მეცადინეობები თეორიის კომპონენტში – ლექციები და სამუშაო ჯგუფში მუშაობა (პრაქტიკული და ლაბორატორიული მეცადინეობები) დაიწყოს 2012 წლის 1- ლ მარტს და დასრულდეს 30 ივნისს;
3. პირველი შუალედური ტესტირება ჩატარდეს მე-6 სასწავლო კვირაში, 2012 წლის 2 აპრილიდან 7 აპრილის ჩათვლით, ხოლო მე-2 შუალედური ტესტირება – მე-12 სასწავლო კვირაში, 2012 წლის 14 მაისიდან 19 მაისის ჩათვლით; შუალედური ტესტირებები ჩატარდეს სააუდიტორიო მეცადინეობებისაგან თავისუფალ დროს (იხ. დანართი 1);
4. დასკვნითი გამოცდები ჩატარდეს 2012 წლის 14 ივნისიდან 30 ივნისის ჩათვლით, ხოლო დამატებითი გამოცდები – 2 ივლისიდან 14 ივლისის ჩათვლით (იხ. დანართი 1);
5. სასწავლო კურსის წამყვანი მასწავლებელი/პროფესორი ვალდებულია პროფესიულ სტუდენტთა ყოველკვირეული შეფასების, აგრეთვე შუალედური ტესტირების

- შედეგები მომდევნო კვირის ორშაბათის 17 საათამდე, ხოლო დასკვნითი ან/და დამატებითი გამოცდის (იხ. დანართი 2) შედეგები გამოცდის ჩატარების ბოლო ვადის მომდევნო სამუშაო დღის 17 საათამდე შეიტანოს უნივერსიტეტის ვებგვერდზე განთავსებულ სტუდენტთა შეფასების ელექტრონულ უწყისში (იხ. დანართი 3);
6. სემესტრის ბოლოს, არა უგვიანეს 2012 წლის 30 ივნისისა, სასწავლო კურსის წამყვანი მასწავლებელი/პროფესორი ელექტრონული უწყისის ამონაბეჭდზე (2 ეგზ.) ხელმოწერით დაადასტურებს მონაცემებს, რის შემდეგ ინსტიტუტში რეგისტრირებული უწყისი გადაეცემა სამთო-გეოლოგიური ფაკულტეტის დეკანატს;
 7. სასწავლო და საწარმოო პრაქტიკა, მისი სპეციფიკიდან გამომდინარე, ჩატარდეს სილაბუსის შესაბამისად;
 8. კონტროლი ბრძანების შესრულებაზე დაევალოს სწავლების დეპარტამენტს (ი. ლომიძე);
 9. ბრძანება გამოიკრას თვალსაჩინო ადგილზე და განთავსდეს უნივერსიტეტის ვებგვერდზე.


რექტორი  ა. ფრანგიშვილი

ვიზები:

რექტორის მოადგილე
სასწავლო დარგში  ლ. კლიმაშვილი

სწავლების დეპარტამენტის
უფროსი  ა. ლომიძე

სამთო-გეოლოგიური ფაკულტეტის
დეკანის ფუნქციის შემსრულებელი
ა. აბშილავა

იურიდიული დეპარტამენტის
უფროსი  ბ. მაისურაძე

სტუდენტთა მიღწევების შეფასება

1. საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტის სტუდენტებისათვის შუალედური შეფასება მოიცავს შუალედურ ტესტირებებს და ყოველკვირეულ შეფასებებს*:
 - I ტესტირება – მაქსიმალური შეფასება 20 ქულა;
 - II ტესტირება – მაქსიმალური შეფასება 20 ქულა.

ყოველკვირეული ჯამური შეფასება არის 30 ქულა (2 ქულა X 15კვირა), ხოლო დასკვნითი/დამატებითი გამოცდის მაქსიმალური შეფასება – 30 ქულა. დასკვნით გამოცდაზე გასვლის უფლება ეძლევა სტუდენტს, რომელმაც შუალედური შეფასებების – ყოველკვირეული შეფასებების და შუალედური ტესტირებების – ჯამში დააგროვა 21 და მეტი ქულა, ამასთან შეასრულა და დროულად ჩააბარა სილაბუსით განსაზღვრული სამუშაოების მინიმუმი (ლაბორატორიული/ პრაქტიკული);
2. საბოლოო დადებითი შეფასების გაფორმების მიზნით სტუდენტი არ არის ვალდებული გავიდეს დასკვნით გამოცდაზე, თუ მან შუალედური შეფასებების ჯამში დააგროვა 51 და მეტი ქულა, ამასთან შეასრულა და დროულად ჩააბარა სილაბუსით განსაზღვრული სამუშაოების მინიმუმი;
3. შუალედური შეფასებებისა და დასკვნით გამოცდაზე მიღებული შეფასების ჯამში 41-50 ქულის დაგროვებისას (FX შეფასება – ვერ ჩააბარა) სტუდენტს ეძლევა იმავე სასესიო პერიოდში დამატებით გამოცდაზე ერთხელ გასვლის უფლება;
4. დასკვნით ან/და დამატებით გამოცდებზე დოკუმენტურად დასაბუთებული საპატიო მიზეზით გამოუცხადებლობისას სტუდენტს, სწავლების დეპარტამენტის წარდგინებით და რექტორის თანხმობით, მიეცემა გამოცდებზე გასვლის უფლება მომდევნო სემესტრის დაწყებამდე;
5. დასკვნით და შესაბამის დამატებით გამოცდებს შორის შუალედი უნდა იყოს არანაკლებ 10 დღისა;
6. შუალედური შეფასებებისა და დასკვნით გამოცდაზე მიღებული შეფასების ჯამში 41-ზე ნაკლები ქულის დაგროვებისას (F შეფასება – ჩაიჭრა), აგრეთვე შუალედური შეფასებებისა და მე-3 ან მე-4 პუნქტებით გათვალისწინებულ დამატებით გამოცდაზე გასვლის შედეგად 51-ზე ნაკლები ქულის დაგროვებისას (შეფასებები FX ან F), სტუდენტს საგანი ახლიდან აქვს შესასწავლი;
7. პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს ემთხვევა, ისევე შეფასდება, როგორც დამოუკიდებელი სასწავლო კურსი ან მისი კომპონენტი (სილაბუსით განსაზღვრული ფორმატის შესაბამისად). პრაქტიკის შეფასებისათვის შეიძლება განსაზღვრული იყოს მინიმალური გამსვლელი ქულების რაოდენობა. პრაქტიკის ქულების შეტანამდე ან/და შესაბამისი დოკუმენტური მასალის ჩაბარების აღნიშვნამდე, საბოლოო შეფასების უჯრა დაბლოკილი იქნება სტუდენტის მიერ

სხვა კომპონენტებში დაგროვებული ქულების რაოდენობის მიუხედავად. ასეთი სტუდენტების დასკვნით/ დამატებით გამოცდებზე გასვლის (დაშვების) კრიტერიუმები სხვა სტუდენტების ანალოგიურია;

8. პრაქტიკა, რომლის ჩატარების ვადები სააუდიტორიო მეცადინეობების ჩატარების ვადებს არ ემთხვევა, შეფასდება სილაბუსში აღწერილი და სწავლების დეპარტამენტში შეთანხმებული წესით, „პროფესიული საგანმანათლებლო პროგრამების კრედიტებით გაანგარიშების წესის დამტკიცების შესახებ“ საქართველოს განათლებისა და მეცნიერების მინისტრის 2010 წლის 10 დეკემბრის №121/ნ ბრძანების მოთხოვნათა შესაბამისად.
9. სასწავლო კურსის პროგრამის (სილაბუსის) პუნქტი „შეფასების სისტემა“ შესაბამისობაში უნდა იყოს წინამდებარე დანართთან;
10. ტესტირებაზე ან გამოცდაზე გამოუცხადებლობისას შესაბამის უჯრაში იწერება 0 (ნული);
11. სტუდენტის მიერ შუალედური შეფასებებისა და დასკვნითი გამოცდის შეფასების ჯამში არანაკლებ 51 ქულის დაგროვებისას (სათანადო დოკუმენტური მასალის ჩაბარების შემთხვევაში) საბოლოო შეფასება ავტომატურად იწერება შესაბამის უჯრაში, ხოლო დამატებითი გამოცდის უჯრა იბლოკება და მასში რაიმე მონაცემის შეტანა შეუძლებელია;
12. სასწავლო კურსის წამყვანი მასწავლებელი/პროფესორი ვალდებულია უზრუნველყოს სათანადო სასწავლო მასალის მიწოდება და სტუდენტის მიერ ყოველკვირეული შეფასების მიღების შესაძლებლობა იმ შემთხვევაშიც, თუ სასწავლო ცხრილის მიხედვით მეცადინეობის ჩატარება ემთხვევა უქმე დღეებს; აღნიშნულის რეალიზაციისათვის დასაშვებია დამატებითი მეცადინეობების ჩატარება, თემების გადანაწილება ან სხვა ღონისძიებები, რომლებიც ხელს შეუწყობს სასწავლო პროცესის ნორმალურ მსვლელობას.
13. სასწავლო კურსის წამყვანი მასწავლებელი/პროფესორი ვალდებულია შეავსოს ელექტრონული უწყისის ყველა უჯრა.

* - ყოველკვირეული შეფასებისათვის სასწავლო კურსის წამყვანი მასწავლებელი/პროფესორი გააერთიანებს პროგრამით გათვალისწინებული ყველა სახის მეცადინეობის (ლექცია, პრაქტიკული, სემინარი, ლაბორატორიული) მონაცემებს და აჯამებს სტუდენტის მიღწევებს ყველა კომპონენტში; თითოეულ სასწავლო კურსში სწავლის შედეგების ჯამური შეფასებაა 2 (ორი) ქულა.

საქართველოს ტექნიკური უნივერსიტეტის
 სამთო-გეოლოგიური ფაკულტეტის
 ტექნოლოგიის სამთო-ტექნოლოგიური ინსტიტუტის
 № ... პროფესიული ჯგუფის სტუდენტთა შეფასების ელექტრონული უწყისი №

სწავლების წელი: სემესტრი: სასწავლო წელი:
 პროფესიული საგანმანათლებლო პროგრამის საფეხური: პროგრამის მოცულობა, კრედიტი:

სასწავლო კურსის დასახელება:
 წამყვანი მასწავლებელი/პროფესორი

ECTS კრედიტი: სწავლების ფორმა და კვირეული დატვირთვა, სთ: ლექცია: პრაქტიკული: ლაბორატორიული: პრაქტიკა:

№	გვარი, სახელი	კვირის №																			სამოლო შეფასება, ქულა: მაქსიმალური/გამსვლი
		შუალედური შეფასებები, ქულა																			
		1	2	3	4	5	6	7	8	9	10	11	12	13	14	15	16, 17	18, 19			
1																				დასწავლა, ქულა	სამოლო შეფასება, ქულა: მაქსიმალური/გამსვლი
2																				დასწავლა, ქულა	სამოლო შეფასება, ქულა: მაქსიმალური/გამსვლი
3																				დასწავლა, ქულა	სამოლო შეფასება, ქულა: მაქსიმალური/გამსვლი
შენიშვნა																					

სასწავლო კურსის წამყვანი პროფესორი	ინიგ. და გვარი	ბელმოქერა	თარიღი	ფაკულტეტის დეკანი
დეპარტამენტის უფროსი	ინიგ. და გვარი	ბელმოქერა	რეგ. №	ინიგ. და გვარი
				ბელმოქერა

* - შენიშვნა: მაქსიმალური შეფასება 100 ქულა, მინიმალური დადებითი შეფასება - 51 ქულა